


PAMFLET

527.











# **Ban/ende edict by vozme**

**Van proscriptie/ vuytgegaen ende gedecreteert by**  
onssen alregenadichsten Heere de Coninck, tegens Wilhelm  
van Nassau, Prince van Oraison, als hooft, beruerder en  
bederuer van tghesheel Christenrijk, ende namentlyck van  
dese Nederlanden : Waerby een yegelyck gheautoriseert  
wordt van hem te beschadigen, offenderen ende vuyter we-  
relt te helpen, mit loon ende prys voor den ghenen die des  
doen, oft daer toe assisteren sullen.



**Ghedrukt door ordinantie ende expres beueel der Coninckl.**  
Mt. Intiaer M. D. LXXX. Tot Thertogen-  
bossche by Ian Schaeffer. ( .? . )

527 11









**P**hilippes byder gratsen Godts / Coninck van  
Castilien / van Leon / van Arragon / van Nauarre / van Pa-  
pels / van Siclien / van Maillozke van Sardeyne / vanden  
Eylanden / Indien ende vasten landen der Zee Occane :  
Kerfheroge vā Dittendijk / Berroge van Bourgougnē /  
van Lotrük / van Brabant / van Lembozch / vā Luxemborich /  
van Belre ende van Melanen : Graue van Habsbozch vā Alacanderen / vā  
Arthois / van Bourgougnen : Balsgrauē ende van Benegoutwe / van Hol-  
lant / van Zeelant / van Namen / ende van Zuyphen : Prince van Swaue :  
Marcgrauē des heylighs Rijck : Heere van Vrieslandt / van Salins / van  
Mechelen / vande stadt / steden ende landen van Utrecht / Quertissel / ende  
Groeningen / ende Dominateur in Asie ende in Africkē. Allen den ge-  
uen die dese teghenwoordighe sullen zien Saluyt.

Het is allen ende eenen pegelycken kenlyck ende openbaer hoe gunst-  
lycken dat wylen hoochloflycker ghebachten de Keyser Kaerle die vyffste  
des naems / onse lieue Heere ende Vader (wyens ziele God genadich zy)  
ghehandelt ende ghetraecteert heeft wilhem van Nassau / om den seluen te  
doen commen totte successie van wylen Rhene van Chalon Prince van  
Draengnien zynē Neue. Ende in welcker vueren zyne Key. Mai. den sel-  
uen daer nae van zynē ionckheyt aff (hoe wel hy vremdeling ende buyt-  
heemscher was) ghevoordert ende ghepromoueeert heeft. Twelck by ons  
naederhant althys naegenolght ende gecontinueert is geweest / hem eerst-  
mael gecreert hebbende Ridder ende medebrueder van onser orden vande  
gulden vliefe / ende daernaē ghecommiteert onsen stadthouder generael  
ouer Holland / Zeelant / Utrecht ende Bourgougnen / ende oock van onse  
Raede van Staete hem doende voorts vele ende verscheyden eeren ende  
weldaden / mitz welcken / ende vuyt zaken vande eeden van manschap en  
etrouwicheyt / die hy ons oock ghebaen heeft int verheffen vande Leenen /  
Steden Landtschappen ende heerlicheden / die hy van ons houdende is / in  
diuerse onse Landen en prouincien / hy grootelyck verbonden / verplicht  
en verobligeert was sich te begenē onder onse gehoorsameheyt en tot onse  
dienst ende getrouwicheyt / ende die weluaert en vrilicheyt van onse zaken  
en affayren te voederen ende promouieren / en voirts alle ruste en tran-  
quilliteyt in onse Staten ende landen te hanthouden ende mainteneren.  
Is nochtans eenen peder kenlyck / dat zoe geringe wy buyt onse Nedet-  
landen verrocken zyn geweest / die voirtgemelte wilhelm van Nassau (by  
de middelen als voiren Prince van Daignen gemaccht zynde) met alle  
kistige en boose aenlaegē en practicken sich veruoirdert en gepoocht heeft.  
Kerflickē om te winnen en vererighen den wille en moet vanden genen  
die hy wiste qualijcken gesint te zyn / belast met schulden / byanden vander  
Justicie / liefhebbers van nieuwicheden / ende bouen al die gene die ter  
zaken vande Religie bedragen oft ghesuspecteere waeren / de selue carese-  
rendt.

A. H.



ende/aenhaelende en tot hemwaerts treckende met schoone woorden/be-  
loofften en valſche perſuaſien/in ſulcker vliegen en zoe verre dat hy prins  
cipael auctor en opzoeder is geweest vande eerste requeste oft supplica-  
tie ouergegeuen en gepreſenteert by etlycken hoop ionger edelmans/ zyn  
huys en tafel daegelycx hanterende/ hebbende oock die conſuratie en ver-  
bonteniſſe daer van tſynen huysle gemaect gheweest mit hulpe en byſtande  
van Graeff Lodewijck van Paſſau zynen broeder die een groot ketter en  
heretick was. En hoe wel dat hy directeur ende aenrichter was van alle  
deſe aenſlaegen en voirtſtellen/ des nyetmin heeft ter ſelner tijt daghelijcx  
gecomen en gefrequeenteert inden raede van State/preſent en tegenwoor-  
dich ouer alle deliberationen en reſolutionen die aldaer genomē waeren/waer  
byt een yeder bemercken kan zyn getrouwicheyt en quhtinge van zynē  
eedt. Ende alſoo vande ſelue requeste voirtſvarende/heeft hy mit zyne  
aenhengeren tot verſcheyden plaetſen en vleecken van onſe voorszeynen  
Landen/innegebracht die valſche predicationen en openbaere vergaderinge  
geduerende den tijt/dat onſe zeer lieue en zeer beminde zuſter die Hertog-  
ginne van Parme/alſdoen Regente ende Souuerneante generaale in deſe  
onſe erffnederlanden aen ons geſchickt en geſonden hadde/om op r'inhou-  
den der ſeluer ſupplicationen orden te ſtellen/hebbē inſgelijcx by aduylſe/we-  
te/participatie en medeplichticheyt des ſeluen van Dzaignyen/ die ketters  
en heretickē / onder r'derfel ende by toedoene vande gene die voorszeynē  
requeste gepreſenteert hadden/en by hem gefanorizeert zynde/begonſt mit  
oppoerte breken die beelden/ autaren en kercken/en alle gewijde en ghe-  
conſacreerde ſaacken te prophaneren / iae oock die heylige Sacramenten  
vā Godt ingeſtelt en geordineert/des niet tegenſtaende zyn de zaken duer  
de goddelycke gratie/en die voirtſichticheyt vande voorsz. Hertoginne van  
Parme zulcx gehandelt en geremedieert geweest dat hy benoedicht is ge-  
weest hem te vertrecken byt onſe Landen en zyn Souuerementen te ver-  
laeren nyet ſonder grooten toern ende gramſchap/mit diepgementen hem  
daer van te willen wreken/r'welck hy int naevolghende iaer verimeyndē  
te doen en volbringen mit ſeyt van wapenen/maer te vergeeffs/ want hy  
ſoo dapper en ſtrengelyck veruolcht werdt van onſen leger/ hem continu-  
elijcken naetreckende/dat hy byt alle onſe Landē verdoenen en verlaecht  
is gheweest/ſonder hem aldaer ergens te kunnen bergen oft onthouden/  
maer alſoo etlycken tijt daer nae tot verſcheyden plaetſen opghercken is  
ſekeren afftreck en miſhaegen van onſen onderſaren tegens die regeringe  
en Souuerement vanden Hertoge van Alue/hebbende int voorsz. gou-  
uernement geſuccedeert nae de voorsz. Hertoginne ende onder anderen in  
Hollant en Zeelant / heeft de voorsz. van Dzaignyen gepraetizeert/om in  
de ſelue landen te moegen wederkeeren/waer toe hy nochtans nyet gead-  
mitteert oft ontfangen is gheweest / zonder eerst en alvoiren den Staten  
vanden voorsz. landen en dien vanden Steden aldaer/ten heplighen ghe-  
woone te hebbē/dat hy diſ ſelue landē ende Steden voorsz. ons en onder onſe  
gehoir-



gehoorsaemheyt handt handen en maintaineren soude/sonder yet te veran-  
deren van igene des behoiren soude totte onse Catholysche en Roomsche  
Religie/dā soude hen alleenlyck (als stadthouder ende Gouvernuer) by-  
staen/assisteren en beschermen tegens den voorsz. Hertoge van Alue/zoo  
verre hy de selue soude willen fortzeren en bedwingen tot igene des hy  
was pretenderende/te weten totten thienden en twintichsten penningen  
vanden impositien die hy opstellen woude / t welck wy hem niet beuolen  
en hadden/noch oock en verstonen zulcx gedaen te worden/dan mit goe-  
de danc en wille vā onse voorsz. onderlatē/en dz noch in plaetse vā andere  
bedē en impositien/daer van men de selue vermeynde te ontlastē/maer soo  
geringe die voorsz. van Nassau in t voorsz. gouuernement getreden ende  
ontfangen was/ heeft hy mit zijne ministers/ dieners en supposten begonst  
intebzingen die valsche predicatien alomne daer hy konde oft vermochte/  
persecuterende ende verholgende alle goede pastoors/ predicanen/ Reli-  
gieusen en eerlijcke luydē en persoonē vanden welcken hy een zeer groot  
getal veriaecht heeft/ en diuersche van hen iammerlyck doen vermoorden/  
oft immers heeft daer inue gedissimuleert/ mit eenighe van zyn aenhenge-  
ren die selue moorden gheperpetreert en gedaen hebbende / ter tijt toe dat  
die voorsz. Staten grotelijck geoffendeert en verthoert van sulcke wre-  
deyde begeerdē en wilden recht daer ouer gedaen te worden/ dat alsdoen hy  
hem geliet een mislaegen daer van te hebben / des nyetmin is hy nader-  
handt wedergekeert tot zynen eersten voornemen/qualyck handelende en  
tracterende de gene die hy hilt vooz Catholijck en zyn aenlaegen contra-  
rierende/hem behelpende mitten raedt vanden herlijcken ministers zoo  
buijtheemse als inlanders / veranderende oick de Magistraten en wet-  
houders/ die hy wiste zyne aenlaegen ende voernemē nyet te fauoriseerē.  
Ende voorsz. heeft begonst innetezingen de liberteyt van conscientie/ oft  
(om beter te seggen) confusie van Religie/waer vuyt cozts daer nae ghe-  
volght is dat die Catholijcke openbaerlijcken gepersecuteert en veriaecht  
zyn geweest/die kercken mans ende vrouwen cloisters affgeworpen ende  
teenemael gheruyneert/die Religiösen/ soo mans als vrouwe personen  
qualijck getracteert/ gebannen en gantzlyck verdoenen/zoo verre zy hente  
Religie ende professie niet en wilden versacken oft apostaseren / en oock  
sich ten houwelijcke begeuē/alsoo hy hem op de andere nyeten betroude/  
gelyck hy oock selfz noch geheplicht wesende/ en zyn tweede huysvrouwe  
alsnoch leuende/ genomen oft getrouwet heeft een Jonne ende Abdisse hy  
Bisschops handen solemnelijcken geconsacreert en ghewijt/die hy alsnoch  
hy hem houdende is. T welck die alderchandelijckste/ oneerlijckste en in-  
faemste zake is diemen soude mogen doen nyet alleenlyck nae buyt wijsen  
der Christelycker Religie/maer oock nae de Roomsche rechten en wetten/  
en tegens alle eerbaerheyt. Ende heeft sich eyntelyck zoe verre vergeten/  
dat hy die Catholysche Religie ganslyck versaeckt ende verlaten heeft/  
toelatende alle ketterijen / dwalingen en boosheden van alderhande sectē  
here



hereliken ende ketteriken om (indient hem mogelyck waere) teenemael te  
vernyelen en bytroyen onse heylige en Catholijcsche Religie: van allen  
tijden onderhouden en gheobserueert byden gansen en vniuerselen staet  
van kerckenrijck/ hebbende midlerijt onse arme onderfaren van Hollandt  
en vā Zeelant gebrocht tot zulcke hertneckicheyt en obstinaetheyt ende die  
selue in sulcken staet gereduceert dat hy nae alle die steden / deen nae dan  
dere belegert en ingenomen zijn geweest/ zoo mit stormenderhandt en ge-  
welt/ als by compolitie ende redditie/ zulcx dat hy te meer stonden gescapē  
is geweest daer byt gedreuen te worden ouer onse macht ende wapenen/  
tot dat nae d'affluicheyt des groot Commanduers van Castilien / des  
welcken wy oock gecommittteert hadden successuer in itselfde gouerne-  
ment nae den voorsz. Hertoge van Alue (by ons wedergeroepen om onse  
ondersaeten des te meer te contenteren) de saken genallen syn in een on-  
geregelticheyt en ongehoirsamheyt vā teryech volck ingenomen hebbende  
die stad van Zyrycree / welcke ongeregeltheyt oft desordie den voorsz.  
van Massau begonste eenige gunste en fauencen te bringen. Ende coets  
daer nae die generaele staten van dese onse erf Nederlanden willende eens  
byt ellende/ miserie en calamiteyt vander oerlogen comen daertoe ge-  
persuadeert zijnde vanden voorsz. van Massau seggende en simulerende/  
anders nyet te begeeren dan die weluact/ ruste en vrede vande landen/ en  
die selue quijt te maken en ontlasten vande byttheemische Chyechsluydens  
en die landen onder onse gehoirsamheyt te houden/ ende inde selue te be-  
waeren en conserueren die oude Catholijcsche Religie/ zulcx als die van  
oudts aldaer gheoeffent en gheerueert is gheweest / mitgaders oock die  
priuilegien ende vryheden desselfs landts onderhouden / hebben mit  
hem ghemaect het tractaet van Ghendt/ expresselijcken ghemaecte  
op twee zunderlinge fondamenten/ te weten/ van die voorschreuen oude  
Religie/ en onse gehoirsamheyt te handhouden en mainteueren/ bynnen  
welcke tijde hebben wij herwertlouer ghesonden wylen onsen goeden en  
fruntelycken broeder don Johan van Dillenrijck lofflycker memorie/ mie  
intentie en beueel/ dat hy alle die beroerten ende troublen/ van onse voorsz.  
sejden landen soude accommoderen/ nederleggen/ vereenigen en reconcil-  
lieren mit de alrebeste en geuechlijcxste wegen ende middelen alst moge-  
lyck soude wesen/ welck hy oock ghedaen heeft/ geuende en accorderende  
onsen ondersaeten alle tegene datmē hen eenichsins mochte toelaeten/ vari-  
ficerende insgelijcx voorschreuen tractaet van Ghendt / welck hy alomme-  
dede bytroyen en publiceren/ in ghewoenlijcker manieren/ waer tegens  
die voorsz. van Dignyeu mit alle zijne macht hem opposeerde/ maer als  
soo hy selue niet en koude beletten / en heeft voorsz. tractaet gheen-  
sins willen laeten publiceren inde vlecken en plaetsen van sijn gouuernement/  
byt spijte dat hy de selue publicatie niet en hadde kunnen beletten so  
voorsz. is niet tegensstaende dat wij selfs naederhandt deen en vander ac-  
cord en tractaet geapprobeert/ gecmologeert en geratificeert hadden/ ende  
dat



dat onsen voorsz. goeden byneder/mitsgaders de gedeputeerde banden sta-  
ten diuersche treffelijcke personagien aenden voorsz. van Oranien ghe-  
sonden hadden/om den seluen daer toe te perswaderen en verwilligen/op  
dat hy van zijnder zijden soude willen effectueren ende volbringen tgene/  
daer toe hy gehouden en verbonden was bij de capitulation van tvoorsz.  
tractaet van Ghendt. Ende want hy alijts voorhielt / en bybrocht/ dat hy  
in zyn geheel gouuernement behoorde gestelt en geresitueert te worden/  
voirts dat de Steden die hem niet en hadden willen erkennen voorz. Sou-  
uerneer/ende oock de ghene die wy naderhandt mit macht van wapenen  
wederom ingenomen/oft andersins onder onse gehoorsameydt gebracht  
hadden/onder syn voorsz. gouuernement gestelt souden worden is hem  
deshaluen dier die goeder tiericheyt en saechmoedicheyt van onse voorsz.  
Staeten satisfactie geguen geweest alsoo die selue zyn staden/bedoch/  
lijsticheyt en meynedicheyt alnoch niet en kenden / mitz hy hem zwerende  
nochtans/ dat hy niet veranderen en soude inde forme en maniere vande  
voorsz. oude Catholijcsche ende Roomsche Religie/ en dat hy te die eynde  
geuen soude sulcke versekertheyt en satisfactie als die werthouders / vor-  
gers en inwoonders van elcke stadt rechtshaluen hadden moegen eyssche.  
Ende nae dien men langen tijt gedisputeert hadde op de versekertheden  
die elcke stadt was begeerende/ op dat hen gehouden soude wordē tgene  
des voorsz. van Oranien hem beloofte hadde/hebben sich ergeuen onder  
zyn Gouuernement naedyen hy de selue puncten en andere begrepen in  
d'acte vande voorsz. satisfactie geswozen hadde :maer in plaetse van zyne  
eetde ende beloofften te onderhouden/ heeft hy ter contrarien inde selue ste-  
den zyn ministers en predicanten caluinisten van stonden aen ingebracht/  
en aldaer doen wederkeeren die voorbluchrige ketters en hereticken/ en  
oock aldaer gepractizeert vryheyt en liberteyt van conscientie / en in ette-  
lijcke kercken enige schandalen en onstichtichede gedaen/doen beginnen/  
de aldereerst aende biddende ordenen daernaec aende Magistraten en wet-  
houders die hy allencyskens heeft doen vervolgē en persecuteerē/ en oock  
die goede pastooren veriaecht en eyntlijcken die Catholijcsche Religie te  
nieren gebracht en verzeuen/ en d'executie der seluer verboden en ghein-  
terdiceert. Welck doende heeft hy gebruyckt en gheuseert van sijne ghe-  
woonlijcke hypocrispen / dissimulationen en ghebeynschedē / seggende zult  
hem te mislagē/ en dat hy seluide nyet en konde remedieren/des nyetmin  
verweete en oproerde secretelycken onder die hant mit zyne ministers en  
aenhengeren alle oproerige heretijcke en seditieuse personen/om derge-  
lijcke boosheeden te gebruycken en vleren/Ende om selue te volbringen/  
heeft allencyskens mit hulpe en assistentie vanden zynen/bynnen die stede  
garnisoen doen leggen tegens alle bespreken en zyne gezworne belof-  
te: daerentussche en hiel nyet op onse voorsz. broeder don Johā te accusere  
ende beschuldigen/dat hy tegens die Staten machineerde/twelc nochtans  
onse



onse voorsz. broeder ons althits versckert heeft nyet waer te zyne / maer  
 wel dat hy aenmerckende die obstinaetheyt ende boosheyt vanden voorsz.  
 van Daignyen mit eenigen heeft moghen ghecommunicceert hebben / hoe  
 datmen den seluen tot redene soude moghen brengen / ende beletten / dat hy  
 nyet wederom die ghemeyne ruste ende weluaert vanden voorsz. Landen  
 en soude stoorzen en turberen / gelyck hy naderhandt gedaen heeft / des nyet  
 tegenstaende en heeft die voorsz. van Daignyen nyet opgehouden / tot dat  
 hy mit zyne ghewoenlycke listen ende practycken (daer mede hy hem zeer  
 wel behelpen kan) zulcke diffidentie ende wantrouwichheyt tusschen onsen  
 voorsz. broeder en die Staten van onse voorsz. Landen opgeroecht hadde /  
 datmen daer van anders nyet en konde verwachten dan eenen grooten  
 apparenten moort / inder vueghen / dat om allulck stuck en desordre. oft ten  
 minsten die gheyanckenis van zyn persoon te verhueden / die voorsz. gemel-  
 te don Johan heeft rhynder versckertheyt hem verrocken binnen onse  
 Stadt / tot en Castle van Namen daer toe de selue des te meer gemouceert  
 ende beweeght was / zo hy egeene wapene oft Cryechsvolck ter handt en  
 hadde / ende dat ter contrarien al cleer en blyckelyck was dat de voorsz. van  
 Daignye by alle zyne toegemaecte en geposteerde dienaers niet en ces-  
 seerde die factieuze en seditieuze personen op te roepen / om tegens zynen  
 persoon zulcx te doen en attenteren / als hy in t'selfde iaer hadde laten doe  
 op die ghene van onsen raede van State ghecommitteert totten gouern-  
 nemente generael van onse voorsz. Lande : dat alsoe ineynende die voorsz.  
 schreuen van Daignyen al gewonnen te hebbē heeft begonst te openbae-  
 ren alle zyne macht / wapenen en listicheden / om onse onderlaeten te ver-  
 wecken en brengen tot een open oirloghe tegens onsen voorsz. broeder /  
 Lieutenant en Stadthouder generael nochtans by tusschen speken en in-  
 teruentie van zekere treffelycke personnaigen neffens zyne persoon we-  
 sende / en van andere goede luyden ouer de zyde vande Staten / zyn de za-  
 ken zoo verre ghebrocht geweest dat alle dingen geaccommodeert en ge-  
 sticht waeren / en ouer een en dandere zyden veracordeert en vereenicht /  
 iae zoo verre dat onsen voorsz. broeder om alle oorsaken van diffidentie te  
 weeren te vreden was zyn gouernement te verlaeten en nae Italen te  
 vertrecken / gelyck oock onsen wille was. Ende waeren aldoen die ghe-  
 deputeerde vanden Staeten by hem om reciprote en van beyde zyden te  
 onderreekenen de presentatien en wederpresentatien : maer ter quaeder  
 zyen. Dese gemeyne vyant / perturbatuer ende verstoorder vande gemey-  
 ne vrede en ruste gentsende dat hy byt Hollant (aldaer hy was) dese peys  
 en reconciliatie mit alle zyne listen en practycken nyet en konde beletten /  
 heeft hem ghehaest op den seluen tijt te comen bynnen Brussel / en hem  
 gelat ende als off hy den peys hadde willen hebben / heeft die oirloge ghe-  
 hoirdert en ingebrocht / voorsz. stellende nyewe conditiē aldoen noch niet  
 besproocken noch voor gehouden / zulcx dat hy rhynder intentie gecomen  
 is / bykende al t'gene datter geacordeert was / zoot eenen pegelycken ken-  
 lycken



licken is. Ende naderhandt de saeke gecommen zijnde tot een oepen ende  
 zeer wreede oorloge/ heeft hem mit geweld en oproer vande ghemeente te-  
 gens den wille vande Staten/ gedaen verclgere voor Rouwaert oft scher-  
 merheer van onsen Landen van Brabant/ en daer nae tweede Stadthol-  
 der van alle onse erfstnederlanden/ ghelijck hy oock ten lesten duer oproer  
 en emotie van dien van Bende en van zekere andere steden en placisen he-  
 heeft laeten kiezen voor Gouverneur van Vlaenderen hebbende oock  
 doen comen zijn broeder ende schoonbroeder buytlanders om andere  
 Gouverneementen van onse Landen en provincien te hebben: en worden  
 midler tijt by hem en die zijne / onse onderlaeten belast en verdruct / mit  
 alle sorten en manieren van impositien/ schattingen/ exactien/ eyssche/ con-  
 tributien en quotisatien die ontamelijckste / barbaerijckste / en tyrannijckste  
 als opnt gehoort oft gesien zijn geweest/ die welcke hy met geweldiger han-  
 de en seyt van wapenen opgebueret en gheexecuteert heeft / zonder consens  
 oft accord van onse onderlaeten / noch daer van bewijs oft rekeninghe te  
 doene. Ende zo wanneer yemant daer op wilde spreken / heeft dien doen  
 aentassen/ qualijck tracteren/ en in gheuanchenis werpen/ oft oock doe pil-  
 lieren / berooven en ter doot brengen. Ten anderen is claer en kenlijck  
 tegene dat wy continuelijcken gedaen hebben om het misverstant tusschen  
 onsen voorsz. Lieutenant oft Stadtholder generael en die Staten opgere-  
 sen (als vooren) te accommodieren en pacificeren/ maer al tegene dat hy ons  
 oft onsen voorsz. broeder wel gedaen was/ is gesupprimeert en verborge  
 gheweest: ende ter contrarie van dien/ zoo heeft die voorsz. van Daigny  
 en die zijne ontallijcke lasteringen en calumpien gheinuenteert en voorsz.  
 gebracht/ om onse onderlaeten lancx zoo meer te abuseren ende bedriegen:  
 en insunderheyt / alsoo wy ten tijde ende inde coniuncture vande victorie  
 van Gembloux gesondt hadden de vryheere van Selles mit seer redelijcke  
 conditien / om onse voorsz. de onderlaeten in gratie en genade te ontfangen/  
 ende alle zaeken te vereenigen en reconcilieren/ en is daer van nochtans  
 niet nae gebolghet duer tbelet dat hy daer inne gedaen heeft/ hoe wel dat de  
 seluen tijt gheduerende/ onse voorsz. onderlaeten ouerschuende zoo aen  
 ons als aende Keyser onsen goeden broeder en neue/ en andere fursten en  
 Potentaten om te iustificieren die gheschillen en differenten die zij hadden  
 tegens onsen voorsz. Lieutenant en Stadtholder generael / opentlijcken  
 protesteerden dat zy gecentrehande zaken en wilden veranderen inde oude  
 Catholijckse Roomsche Religie/ sulcx als de selue van allen tijden bin-  
 nen onse voorsz. Landen geobserveert hadde geweest en r'samentelijcken  
 onder de selue onswaerts dragen en berhoonen die ghehoorsamheyt/ die  
 ons by Beestelijcke en weerlijcke rechten toebehoorde. Twelcke die twee  
 puncten alleenlijck waeren die wy van hen althits begeert hadden en ter  
 seluer tijt alnoch begeerden / en daer inne wy mit hen eens waeren. Des  
 nyet tegenstaende beduchende die voorsz. van Daigny die reconcilia-  
 tie van onse voorsz. onderlaeten mit ons/ heeft wederom ghenonden

B.

openwe



nienwe liffen en inuentien/ om nyet alleenlyck tegene des boozsz. is te be-  
letten/maer oock om de zake te brengen tot een ganze desperatie en wan-  
hopen sonder remedie/indient mogelyck hadde geweest duer middel van  
al te corrumperen met ketterhe en hereshe / twelck hi in diuersche vlekken  
en plaetsen ghedaen heeft/ eensdeels duer de boose/ liffige en meynredighe  
treken ( die hem en allen kettters zeer gemeyn zyn) als oock duer opreche  
en puer geweld/ gebruyckende selue dat hy daer te voeren gedaen hadde/  
om de landen en prouincien van Hollandt en Zeelandt te bederuen/ stellende  
alle dingen in roere en moerwillichheyt der ghemeynten / soo met plunde-  
ringe van kercken/ prophanatie vande heylige Sacramenten/ moordaden  
oft vanckenissen van Bisschoppen/ Pastoorren/ Jesuyten/ Religieusen/ soo  
vrouwen als mans persoonen / ende van verscheyden andere wereliche  
duchdelijcke en eerlycke persoonen / vernuytende alle de wetten ende  
Magistraten/ affstellende tegens alle regel enden orden van rechten/ pre-  
uilegien/ vsancien ende oude herkommenen en obseruancien/ die Presidenten/  
Raedtslieden Gouvernueren van plaetsen/ Bisschops/ Breuosten/ Drossae-  
ren/ Schoutenen Schepenen en andere Catholijcke officieren en amptliys-  
den/ tontswerts en totten weluaeren ruste/ en vrede vanden lande grassa-  
tionneert zijnde / stellende in plaetse van dien extraordinaerlyck/ en duer  
zijn eygen aucthoriteyt / en dickmael duer opzoer van tgemeyn volck by  
hem opgeroept (onder de welcke hy regneert en triumphheert) alle kettters/  
sectaryssen / seditiense en oproerige menschen/ leuende opt roonen en strile/  
en andere zyns gelycke/ inder vuegen dat hy alle saken ghebracht heeft tot  
een confusie die allertzantichste/ barbarichste en moordadichste/ als opne  
gehoort oft gesien is geweest. Twelck mishagende zekere Catholijckse  
landen en prouincien/ ende zunderlinge zijnde de conscientien der goedere  
lieden zoo grootelijck geopprimeert/ geweldicht en verdrukt/ die kercken/  
cloisters/ abbdyen/ Notren/ casteelen en huysen van edellieden en andere goe-  
de personagien affgeworpen / en hun goederen allen boosen menschen te  
proye gegeuen/ ter discretie en gelijcke van desen vromdeling en vuytlan-  
der/ en den gantzen staet vanden lande by hem gesubuertceert en bedoruent  
ia zoe herre dat hy daer toe heeft willen bedwingen ghebeele landen ende  
prouincien tegens hueren eede ende wille/ hebben sich de selue prouincien  
mit ons wilken reconcilieren / twelck hy aen allen gorden en zijden/ en mit  
aller zijner macht gepoocht heeft te beletten/maer de selue hebben vromer  
en staetstadriger geweest dan hy. Ende dat noch erger is/ hoe wel de booz-  
schreuen Heere die Keyser een ernstigen versuecke vande boozsz. Staten  
(die hem gebeden hadden/ om tusschen ons en hen boozsprake en middeler  
te willen zyn van eenre pacificatie) te vreden was alle zaken in handen te  
nemen om die te vuyten en neder te leggen/ waer toe wy oock (begierende  
onse onderlaeten verlost te zyn van dese ellenden ende calamiteyten) ons  
willich hebben laeten beuynden. Volgende welcken heeft zyn Key. Ma-  
ten seluen eynde zijne ghesanten en Commissarissen tot Coelen gheschickte



en ghesonden/ zoo van Churfursten als andere vanden principaelsten des  
heyligen Rijcs/ om te aenhoiren en verstaen die puncten/ daer van gheschil  
en different was : nochtans en heeft selfsde den voorsz. van Draignyen  
geensins kunnen dinerteren noch afstrecken van zijne boose meyningen  
en voornemen : welcke ghesanten oft Commissarissen hebben alle selfsde  
aengehoort/ en zekeren langen tijt zoo op den eyssch ende peticien vanden  
voorsz. Staten als op onse presentationen ghecommuniceert en ghehandelt/  
hebben eyntlijcken geresolueert en gedecreteert die puncten en artijckelē  
die zy hebben laten drucken en publiceren/ om ter eente en ter andere yde  
aengenomen ende gheaccepteert te worden. Is nochtans al selfsde zonder  
effect gebleuen/ niet tegensstaende dat de voorsz. artijcken zoo billich gracie-  
lyck ende redelyck waeren/ dat alle luyden van goede oordeel en verstande  
kennen en behyden/ de selue meer dan sufficient en ghenoechsaem gheweest  
te zijne/ en dat wy meer gepresenteert hebben/ dan gene des onse onderla-  
ten selfz nae redene aen ons hadden behoiren te versuecken. Ende de sel-  
ue communicatie geduerende/ heeft de voorsz. van Draignyen/ om tegens  
den Keyser en ons te contramineren/ en op dat hy alle saken tot desperatie  
soude moegen brengen/ bynnen der stadt Atrrecht een versamelinghe ende  
vergaderinge doen houden vande ghe deputeerde van erlijcke steden ende  
landē die hy onder zijn macht en gebot houdende is/ o aldaer eene nyeuwe  
confederatie en vbontenisle oft openbaere conspiratie te ramē en sluyten te-  
gens ons en onse Kēligie mit grouwelijcke en affghyselijcke woordē en ee-  
dē/ en en hebben hem dock niet kunnen vermyden die Commissarissen des  
hooghgedachter Key. dat te iniurieren. waer toe en om sulcx te doe hy hē  
behelpende is mit zijne broeder en schoonbroeder/ en andere toegemaecte  
en geapposteerde persoonen: welck hy mit groote sollicitationen/ practijckē/  
calumnyen en groote belooften/ en by nae mit fortze/ ghewelt en importu-  
nityt affgedrongen en geextorquieert heeft in diuersche quartieren/ ende  
nyet tegensstaende alle goede officien en denoyzen byde voorsz. Commissa-  
rissen gebaen/ om aende landen en provincien. te doen verstaen hun goede  
en duechdelijcke resolutie onsen onderlaten zoo nootlijck ende zalich zyn-  
de/ heeft hy zoo veel ghedaen dier zijn aenhengeren en toegemaecte per-  
soonen (daermede hy hem behelpt voor zijne instrumenten) dat die voir-  
schienē artijckelē lange tijt achtergehouden en gesupprimeert zijn gheweest  
en alsoo die selue nyet langer en konden verhoelen bliuen / heeft hy niet  
alleenlijck belet dat die nyet aengenomen en syn/ maer dock gheprocureert  
datter contrariē diuersche schandelijcke schriften ende boecken vol luege-  
nen ende calumnyen vuytgegeuen zijn geweest/ en voirs hebben noch die  
gedeputeerde/ die hy neffens hem heeft binne Antwerpen van zijner soor-  
te ende maniere/ gheeysscht ende begeert diuersche andere artijcken veel  
lastiger/ onbehoorlijcker en onbillijcker/ vol lasteringe/ iniuriē en blasphe-  
myē tegens God en ons/ huere sonneren en ouerste heere en natuerlijc  
hē

B. 9



ken Prince/zulcx datmen desghelijcken nyet meer en soude kunnen doen.  
En beuyndende dat hy mit allen zynen arbeyt/lissen/inductionen en persua-  
sien de selue noch niet al en konde ghe winnen / heeft sich eyndelicken ver-  
trocken vuyt Antwerpen / aldaer hy bat dan twee iaeren hem onthouden  
hadde sonder daer vuyt te gaen ende is gheioogen binnen deser stadt van  
Utrecht om te volbrengen d'executie en effect vande voorsz. ongodlijcke  
conspiracie ende alle zaken int verwerren te stellen sonder t'selue te kun-  
nen remedieren: en generalijcken heeft hem sulcx gebzaghen in alle sorten  
en manieren van tyrannien dat hy veriaecht ende vuytgedreuen heeft alle  
Geestelijcke personen / handelende oock sulcx mittē heeren en principa-  
len Adel van onse lande dat zy bedwongen zijn gewest sich te verrecken en  
hun vaderlant te verlaten en abandoneren / ten eynde dat hy te bat en ab-  
solutelijcker soude mogen regneren en domineren onder de oproerighe  
geesten vander gemeeynten / die goede luyden verdreuen zynde : en want  
men opentelijcken ziet dat alle dese confusien en plagen die onse voirsche-  
uen landen ljdende zyn toecommen en procederen duer den raet daer po-  
stel en ingeuen van desen boosen hyppocrit / en duer zijne ongerustien geest/  
die alle zyn gelue is stellende int ongeluck en beroerte vā onse onderlaten  
en dat voirtsmeer al kenlijck en openbaer is / dat soo lange hy sich bynnen  
onse voorsz Landen onthouden sal geenen peys noch eenige ruste aldaer  
te verhoopen oft verwachten en staet / alsoo hy alle zaken sonderende is  
op een ewige diffidencie ende wantrouwicheyt / die hy althijs inden mont  
heeft (welck allen boosen menschen gemeyn is/wpens consciencien duers  
knaecht worden/mit Caym ende Judas / en huns gelijcke) gemerckt oock  
dat nyet tegenslaende t'versueck en presentatien die hem gedaen zijn ghe-  
weest en besundere by Key. Mits. gesanten oft Commissarissen tot zynen  
grooten voirdede / op dat hy hem soude willen verrecken ter plaetse van  
zyner gheboerten (aldaer een yegelyck vuyter natuere behoirt aldermeest  
te begeren zyn leuen ouer te brengen) hy daer toe niet en heeft willen ver-  
staen/hebbende lieuer (een vrendelijck en vuytlander als hy is) onse voorsz  
schreuen Landen te bederven dan hem te buegen ende accommoderen tot  
rgene des tot weluaeren van onse ingebozene onderlaten van node is.

Soo eerst dat wy al tselfde aengesien/en om de redenen voorsz. zo  
billich/redelijck en rechtuerdich zijnde: ende daer inne ghebruyckende die  
autoziteyt en ouericheyt die wy ouer hem hebben/vuyt crachte vande eede  
van trouwe/hulde ende onderdanicheyt die hy ons dicmael gedaen heeft/  
en oock als wesende Prince absolut en souneren der voorsz. erfinede-  
landen/zunderlinge aenschouw nemende op alle zijne boose en erge stucke  
en seynen / en dat hy alle t'hoofte/authour en promotuer is van alle dese be-  
roerten/en principaelste perturbatuer van allen onsen landen ende Sta-  
ten/en opt coyste die gemeeyne peste vander Chyistenheyt : verclare den sel-  
uen als schelm en verrader en vyant van ons en vande landen / ende ouer-  
zulcx hebben wy hem inden ban ghestelt en bannen mitz desen ten crubis-  
gen



gen daegen buyt onse voorschreuen Landen ende alle andere onse Staten/  
 Coninckrijcken ende Heerlicheden : verbiedende en interdicerende allen  
 onsen onderlaeten van wat State/conditie/oft qualiteyt die zyn mit hem te  
 handelen/verkeeren / sprake houden oft communiceren openbaerlijck oft  
 bedectelijck / noch den seluen te ontfanghen oft logeren in hueren huysen/  
 noch hem gerieffuen oft accommodere van eenige eerlijcke waren/branch/  
 bier oft andere noodlijckheyt in geenre hande manieren/op pene te vallen  
 in onse indignatie/ zoo hier nae geseyt sal worden. Maer consenteren alle  
 en eenen vegelijcken/ isy onse onderlaeten oft andere / tot executie van dese  
 onse declaratie en verclaeringhe den seluen te arresteren/becommeren/ be-  
 letten/en hen van zynen persoon te verseekeren/tae oock te hinderen/aen-  
 tasten en offenderen soo wel in zyne goederen als aen zyn lijf en persoon/  
 exponerende en ouerleuerende den seluen wilhelm van Massan ter belietre/  
 spot en proye van eenen vegelijcken als vyant vanden menschelijcken ge-  
 slachte/geuende eenen vegelijcken alle zyne goederen ruerlijcke en ouer-  
 lycke/waer die gheslaen oft gelegen moghen zyn/wye de selue sal kunnen  
 nemen/aenbeerden ende becommen / buytgezundert die goederen tegen-  
 woerdelijck onder onse handt/gebruyck en possesie wesen. En ten eynde  
 de selue te eer ende mit meerder bliet en spoet gedaen en volbzacht mach  
 worden/en om onse onderlaeten te gheringer van dese tyrannye/oppresie  
 en verbruyckinge te verlossen/en op dat die duecht en vroomheyt geprezen/  
 en die boosheyt en mildaet gestrafft worde/beloonen wy in Con. en Prin-  
 celijcke woorden/en als Gods diener/dat indien yemane / isy onse onder-  
 laet oft buytheersche/sich soo vroom en grootmoedich/en tot onse dienst/en  
 der gemeyne welnaert soo vicktich liet beuinde/dz hy by enige middel dese  
 onse ordinantie conde executere/en sich quytmake van dese boosheyt. pesse/bs  
 den seluen ouerleuerende doot oft leuende/oft dien selfz vanden leuen be-  
 touende:wy den seluen sullen doen geuen en furnyeren vooz hem en zyne  
 erfgenamen in gronden van erfue off gerede penningen tzynder kuele en  
 optie/terstont nae dz die zaecke volbzacht sal wese/die somme van vijftien-  
 twintich duysent goudt creonen : en zoo verre hy enich delict oft mildaet  
 gecommiteert hadde ( hoe groot selue soude moeghen syn) wy beloonen  
 hem selue te verguen/gelijck wy oock van nu vooz aldan doen/en ver-  
 genen:en indie hy van eenen adel en waere hebben den seluen gheanno-  
 biliteert en annobileren by desen/ in aenstienninghe van zyn vromicheyt/  
 en ingeualle de principael factuer tot hulpe en assistentie van zynen aen-  
 slach oft executie vanden seyte/ enige andere personen annempe/ sullen  
 wy oock de selue alle gunste en weldaet bewijse/en regens elcke van hem  
 sulcx bekene als hun qualiteyt/en de dienst die zy ons hierinue geue sullen  
 hebbe selue vereysthe sal he verguende insghelijcx tgene des zy sonder  
 mogen misbruyck en misdaet hebbe/ de selue oock annobilerende al vo-  
 ren. Ende alsoo die receptateurs faulteurs ende aenhengeren van sulcken  
 boosen tyran / onzake zyn dat hy hem mach continueren en onderhouden

B ij. in zij-



in zijne boosheyt. zonder de vaelcke die boose wichten nyet lang en kunne  
domineren/ verclaren wy insgelijck alle de gene die binne eenre maent na  
de publicatie van desen hem niet verrrecken en sullen van zijnder zijden/  
maect continu eren sullen hem bystant en fauour te bewijlen/ oft den seluen  
volgen/ hanteren/ bystaen/ sanctiseren oft beraden directelijck oft indirectelijck/  
oft vā nu voirt aē mit goet oft gelt helpē sullē/ voirt rebelle en wederpens-  
nighe en byandē vande gemeyne ruste/ en ouer sulcx hebbē wy de selue ge-  
prieert en priuert by desen van alle goederen/ adel/ eere/ gracie en genade  
en in toccomende tijden/ geuende huere goederen en persoonen/ waer  
dat de selue gevonden sullen worden/ tzy in onse landen en Coninckrijckē  
oft buyten de selue/ aen den genen die de selue aenslaen/ en occuperen sullē/  
tzy coopmanschappen gelt/ schulden ende actien oft crediten/ landen/ heer-  
lijckheden en andere/ soo verre de selue goeden alnoch nyet aengheslaghen  
en in onse handen niet gheselt en zijn/ zoo voorsz. is: en om totten arreste  
en aen tassingē van hūeren persoonen ende goederen te mogen commen sal  
voirt genoechsame probatie wesen/ datmen sal kunnen berhoonen de selue  
(nae den tijt hier voiren gheselt) gesien te hebben communiceren/ sprake-  
houden/ handelen tracteren frequenteren ende verkeren int openbaer oft  
int heymelijck metten voorsz. van Daignyen/ oft den seluen eenige parti-  
culiere gunste fauours hulpe bystant oft assistentie directelijck oft indirec-  
telijck ghedaen te hebben. Terguende nochtans allen ende eenen yegē-  
lijcken al igene dat zy totten voorsz. tijt toe gedaen mogen hebben ter con-  
trarien/ zoe verre zy hen wederom commen stellen en reduceren onder die  
behoefelijcke en oprechtē gehoersaemheyt die zy ons schuldich syn/ accepte-  
rende vboisleren tractact van Arrecht bynnen Bergen geslooten/ oft die  
articien der Key. Mts. Commissarissen ende ghesanten tot Coelen.

Onthieden daeromme en beuelen onsen zeer lieuen en ghetrouwen die  
hoofst/ presidenten en luyden van onsen secreten en grooten raden/ Cance-  
lier ende luyden van onsen rade in Brabant/ Stadtholder/ President ende  
luyden van onsen rade tot Luxemborg/ Stadtholder/ Cantzler en luyden  
van onsen rade in Gelderland/ Stadtholder vā Lymborch/ Alckemborch/  
Daelhem/ ende andere onse landen van Quernaxe/ Gouvernuer/ Presi-  
dent en luyden van onse raden in Vlaenderen en Artois/ Grootbailliu vā  
Benegauwe/ en luyden van onsen rade te Bergen/ Stadtholder/ President  
en luyden van onsen rade in Holland/ Stadtholder/ President ende luyden  
van onsen rade tot Namen/ Stadtholder/ President en luyden van onsen  
rade in Vriesland/ Stadtholder/ Cantzler en luyden vā onsen rade in Quers-  
pffel/ Lieutenant van Broeningen/ Stadtholder/ President en luyden van  
onse rade t Utrecht/ Gouvernuer van Ryssel/ Douway en Orchyes/ Pres-  
moest van Valencigne/ Bailliu van Doernycke/ Rentmeesters van Betwilt  
en Beuilerichelt in Zeeland/ Schoutet van Archelen/ en alle anderen on-  
sen Rechteren/ Justiciezen/ Officieren en Amptluyden tegenwoerdighe en



voecommende / en dien van onse Vasallen dien dit aengaen sal huer stede  
houderen en elcken van hen zoort hem toebehoiren sal / dat zy dese onse te-  
genwoirdige declaratie / gebot en ordinantie doen kundigen / buytrocpen /  
en publiceren / elck binnen de limiten van zijne iurisdiccie daerme gewoon-  
lyck is buytrocpingen en publicatien te doene / op dat nyemant ignoran-  
tie en soude mogen pretenderen: ende voirs onderhouden en obserueren /  
doen onderhouden en obserueren onverbzekelycken alle die puncten ende  
articklen daer inne begrepen nae huer vorme ende inhouden / procederende  
ende doende procederem respectincklycke totte recompense / loon / pene / straff  
ende punitie bouen vermet / sonder eenige gunste / fauour oft dissimulatie:  
des te doene met deser aendelcst gheuen wy hen ende elcken van hen besun-  
dere volcommen macht / autozreyt ende sonderlingh beuel / ontbiede ende  
bruelen allen ende eenen yeghelicken dat sy hen t'selue doende ernstlycke  
verstaen ende obedieren. Ende nietmin alsoo die voirschreuen publicatien  
teghenwoirdelyck niet ghedaen en kunnen worden binnen de steden / lan-  
den ende castelryen gheoccupeert zijnde duer de rebellie vande voirschreue  
van Dzaigryen / willen wy dat de publicatien die ghedaen sullen worden  
bynnen de naeste steden / wescende onder onse gehoysaemheyt / van sulcker  
werde ende effecte sullen zyn / al off de selue ghedaen waren alomme byn-  
nen de plaetsen ende vleckem ghecostumeert / ende vooz sulcx hebben wy  
die ghcautoziseert ende autoziseren by desen: willende ende bruelende ins-  
ghelyc dat die van stonden aen ghebrucht ende gheprient sullen worden  
by gheswozen druckers oft pinters van onse vniuersiteyten van Loenen  
ende Douay / in t'weederley sprake ende tale / op dat de selue te gheringhe  
tot kennisse van eenen yeghelicken soude moghen comen / ende sulcx is  
onse gracie / decreet / wille ende goede geliefte. Toirconden van igene des  
voirschreuen is / hebben wy onsen grooten seghel doen hanghen aen dese  
teghenwoirdige / die gegheuen zyn gheweest in onser stadt van Maestriche /  
den xviij. dach van Martio / int iaer ons Heeren / duysent / vyff hondert  
achtentich: van onsen rijcken / te weten van Spacrgnyen ende Sicilies  
t'xv. ende van Napels t'xviij.

By expresse ordinantie van zijner Mt.

Merreyken.

Ende waren de voirschreuen brieuen gheseghelt mitten grooten zeghel  
van zijne Mt. in rooden wasse / ende dobbelen sterre buyt hanghende.

¶ Aldus ghepubliceert binnen I hertogenbossche Anno. M. D.  
LXXX. Desen elften Septembrys.

¶ Extraict van t'premiegie. ¶

**D**ie Co. Maest. heeft gheconsenteert ende geacordeert / Jannen Scheffer  
gheswozen boeckpinter der seluer Maest. binnen der Stadt van Iher-  
toghenbossche / om binnen der voirs. stadt te mogen printen / oft doen printen  
vercoopen ende distribueren / die Placcaeten ende Ordinantien ons Heeren  
des Coninc / alreede gesonden bynne der voirs. stadt / om alldair te worden gepubli-  
ceert / en die het hof namals alldair sal seynd / breder vlyckende byder acte vanden  
seluen Houe daer ep verleent ende gegeuen tot Nammen den xxi. ten Aprilis  
Anno. 1589.

Onderteeckent.

S. de Grimaldi.







